

1 января, мч. Вонифатия Тарсийского

1 января, мч. Вонифатия Тарсийского

ВЕЧЕРНЯ

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя./ Услы́ши мя, Гóсподи./
Гóсподи, воззва́х к Тебе́, услы́ши мя:/ вонми́ гласу́ молéния
моего́,/ внегда́ воззвати́ ми к Тебе́.// Услы́ши мя, Гóсподи.

Да исправится моли́тва моя́,/ я́ко кади́ло пред Тобóю,/ воздея́ние
рукú моéю/ жéртва вечерняя. // Услы́ши мя, Гóсподи.

Глас 4, четверг на 3

На 6, стих: Аще беззакóния на́зриши, Гóсподи, Гóсподи, кто постои́т? /
Я́ко у Тебе́ очищéние есть.

Крепчайшим мудровáнием во́инствовавше сла́внии,/ на
лука́ваго врага́ ополчи́стесь,/ всеорúжием ограждшеся
духóвным дóблественне:/ и всю́ крéпость бесóвскую погуби́вше,
восхи́тивше дýшы чело́веческия́ я́коже коры́сти:// сего́ ра́ди во
вéки вас почита́ем, апóстоли.

Стих: Имене ра́ди Твоего́ потерпéх Тя, Гóсподи, потерпé душá моя́ в сло́во
Твое́, /

упова́ душá моя́ на Гóспода.

Крестообразно распростéрши мрéжу вéры,/ двенадeсятица Бо-
жéственных апóстол Твои́х,/ вся́ язýки улови́ла е́сть к Твоему́
позна́нию, Христé:/ и мóре слáное страстéй изсуши́./ Сего́ ра́ди

1 января, мч. Вонифатия Тарсийского

Тя молю, из глубины прегрешений воззови мя, // тех всеблагоприятными мольбами.

На 4, стих: От стражи утренния до ноши, от стражи утренния, / да уповает Израиль на Господа.

Двоенадесятица Богоизбранная, апостольская и всечестная, / да восхвалятся днесь Божественными песнями: / Пётр, и Павел, Иаков, Лука, Иоанн же и Матфей, / и Фома, Марк, Симон, и Филипп, и преславный ныне Андрей с Матфием, / и Божественным и премудрым Варфоломеем, // и с прочими седмидесятью.

мч. Вонифатия Тарсийского на 3

Глас 4: Стих: Яко у Господа милость, и многое у Него избавление, / и Той избавит Израиля от всех беззаконий его.

Благозвания возжелал еси, / нареченного мучеником, / страстотерпче многострадальне, и болезни претерпел еси / дерзостным разумом, / к неболезненному покою преложитися ожидаю / и почести ища прияти, всеблаженне, Небесныя, / и райское селение, // и Свет Невечерний, и жизнь вечную.

На 2, стих: Хвалите Господа вси языцы, / похвалите Его вси людие.

Ногтей терзания, / и лютая бодения, и олова врение, / главы отъятие / и свирепейшия претерпел еси болезни / и приложился еси лику страстотерпец, радуясь, многострадальне. / Темже летнее твоё совершаем торжество, / страдальче Вонифатие, // Ангелом собеседниче.

Стих: Яко утвердися милость Его на нас, / и истина Господня пребывает во век.

1 января, мч. Вонифатия Тарсийского

Раба́ ты предпосла́вши,/ Божественнаго влады́ку восприя́/ Аглаи́да, Вонифа́тие./ Страстьми́ облада́вша,/ ца́рствовавша над му́чители,/ низло́жша враги́ и победы́ венце́м оде́янна./ Те́мже храм тебе́ святы́й и прекра́сен созда́вши, // в нёмже положи́ла есть, свяще́нно восхваля́ющи тя.

Слава, и ныне, глас 4: Слава Отцу́, и Сы́ну, и Свято́му Ду́ху, / и ны́не, и прѣсно, и во ве́ки веко́в. Ами́нь.

На одре́ низлежу́ уны́ния, Всенепоро́чная,/ и ле́нотно прохожду́ жити́е,/ и ужаса́юся конца́ моего́ време́не, Богороди́це,/ да не, я́коже лев, неща́дно расто́ргнет/ смире́нную мою́ ду́шу зми́й вселука́вый./ Те́мже Твоею́ бла́гостию,/ прѣжде конца́ предва́ривши, // к пока́йнию мя воздвѣ́гни.

Стихиры на стиховне

Глас 4, четверг на 3

Канонарх: Глас 4, Апосто́льский ли́к Ду́хом Святы́м просвети́л еси́, Христе́,

Лик: Апосто́льский ли́к Ду́хом Святы́м просвети́л еси́, Христе́, / и на́шу скве́рну грехо́вную те́ми омы́й, Бо́же, // и поми́луй на́с.

Стих: К Тебе́ возведо́х о́чи мои́ живу́щему на Небеси́. Се́ я́ко о́чи ра́б в руку́ господа́и́и свои́х, я́ко о́чи раба́ни в руку́ госпожи́ своея́, та́ко о́чи на́ши ко Го́споду Бо́гу на́шему, / до́ндеже уще́дрит ны́.

Некни́жныя учени́ки Ду́х Тво́й Святы́й каза́тели яви́, Христе́ Бо́же, / и многовещáнным слѣ́чием язы́ков прѣлесть упраздни́, // я́ко Всеси́лен.

Стих: Поми́луй на́с, Го́споди, поми́луй на́с, я́ко по мно́гу испо́лнихомся уничи́жения: наипа́че напо́лнися ду́ша на́ша поноше́ния гобзѣ́ющих / и уничи́жения го́рдых.

1 января, мч. Вонифатия Тарсийского

**Жертвы одушевленные,/ всесожжения словесная,/ мученицы
Господни,/ закления совершенная Божия,/ Бога знающая, и
Богом знаемая овчата,/ ихже ограда волком невходна:/ молитесь
и нам упасеным быти с вами,// на воде упокоения.**

Слава, и ныне, глас 4: Слава Отцу, и Сыну, и Святому Духу, /
и ныне, и присно, и во веки веков. Аминь.

**Избави ны от нужд наших,/ Мати Христа Бога,/ рождающая всех
Творца,/ да вси зовем ти:// радуйся, едино предстательство душ
наших.**

Тропари

Тропарь мч. Вонифатия Тарсийского, глас 4.

**Мученик Твой Господи, Вонифатий,/ во страдании своем венец
прият нетленный от Тебе Бога нашего:/ имеяй бо крепость
Твою,/ мучителей низложи,/ сокруши и демонов немощныя
дерзости,/ того молитвами// спаси души наша.**

**Слава Отцу, и Сыну, и Святому Духу, и ныне, и присно, и во
веки веков. Аминь.**

Богородичен по гласу от малых, глас 4:

**Слово Отчее, Христа Бога нашего, / от Тебе воплотившагося, по-
знахом, Богородице Дево, / едина Чистая, / едина Благословен-
ная. // Тем непрестанно Тя, воспевающе, величаем.**